

## Fundaskýrslur amtsráðanna.

## C.

*Fundur amtsráðsins í norður- og austurumdæminu 1880—1881.*

135

Ár 1880, 25. dag febrúarm. var fundur amtsráðsins í norður- og austurumdæminu settur á Akureyri af forseta amtsráðsins amtmani Christjánsyni með amtsráðsmönnum Arnljóti Ólafssyni og Davíð Guðmundssyni.

Á fundinum voru tekin til meðferðar og umræðu þau mál, er hjer eru talin.

1. Forseti lagði fram brjef landshöfðingja frá 4. febr. 1880 ásamt bönarbrjefi Tryggva Gunnarssonar um 250 kr. styrk úr landssjóði handa Páli Eyjólfssyni til að halda áfram námi á skólanum á Stend í Noregi. Amtsráðið mælti fram því, að styrkur þessi yrði veittur af fje því, sem veitt er í fjárlögunum 9. gr. C, 4, til eflingar búnaði.
2. Forseti lagði fram brjef landshöfðingja ásamt með bönarskrá prestsins að Kvíabekk í Ólafsfirði um 600 kr. lán af fje því, sem veitt er til eflingar búnaði, til túnbóta á Kvíabekk. Amtsráðið áleit, að lán þetta væri þess eðlis, að það yrði veitt af viðlagasjóðnum, ef landshöfðingja þóknadist svo.
3. Forseti lagði fram brjef sýslumannsins í Eyjafjarðarsýslu 18. febr. 1880, um að sýslunefndin í sýslunni fái 300 kr. veittar af því fje, sem ætlað er til eflingar búnaði, til þess að standast kostnað af sýningu búfjenaðar og annara muna, sem ákvarðað er að halda 8. júní 1880, er sýslunefndin hefir lagt til 100 kr. úr sínum sjóði. Amtsráðið var að vísu á þeirri skoðun, að sveitarfjelög í slíkum málum ættu að leggja til kostnað þeirra að hálfu leyti að minnsta kosti, en mælti þó eptir atvikum með því, að hinar umbeðnu 300 kr. fáið veittar í þetta skipti, en amtsráðið mun styðja að því framvegis, að hlutaðeigandi sýslu- og hreppafjelög standist slíkan kostnað til helminga að minnsta kosti.
4. Forseti lagði fram brjef sýslumannsins í Eyjafjarðarsýslu 25. febr. 1880, þar sem hann fyrir hönd sýslunefndarinnar fer þess á leit, að amtsráðið veiti nefndinni heimild til að taka að sjer kvennaskólann á Laugalandi gegn því að borga húsið þar með áhöldum fyrir 6000 kr., og veiti henni sín góðu meðmæli til landshöfðingja, að lán þetta fáið. Amtsráðið veitti hiklaust sýslunefndinni heimild þessa með þeim skilyrðum, sem að ofan eru greind, og til þess að taka 6000 kr. í þessu skyni, samkvæmt 43. gr. sveitarstjórnarlaganna, sbr. 26. gr. 7.; var samið brjef um þessi atriði, og til meðmæla því, að landshöfðingi veiti lánið.
5. Samkvæmt beiðni umboðsmanns Eggerts Gunnarssonar var samið meðmælubrjef með honum, sbr. amtsráðsályktun frá 8. oktbr. 1879, til þess að útvega kvennaskólastofnuninni á Laugalandi styrk erlendis.
6. Forseti lagði fram brjef frá formanni framfarafjelags Eyfirðinga, 23. febr. 1880, þar sem hann í nafni fjelagsins biður amtsráðið að veita sjer meðmæli til hins danska landbúnaðarfjelags. Amtsráðið varð við beiðni þessari.
7. Þá afhenti formaður hinnar fyrveranda prentsmiðjunefndar norður- og austuramtsins amtsráðsinu reikning yfir sjóð þann, er stofnaður var með sölu prentsmiðjunnar, og er sjóður þessi settur undir stjórn amtsráðsins með tilheyrandi skuldabryfum og skilríkjum fyrir eignum sjóðsins, sem eru:

Hinn 20. desember 1881.

135

- a. Vottorð verzlunarstjóra E. Laxdals sem gjaldkera sparnaðarsjóðsins á Akureyri um, að prentsmiðjusjóðurinn ætti í sparissjóði . . . . . 292 kr. 81 a.
- b. Skuldabrief kaupstjóra Tryggva Gunnarssonar fyrir . . . . . 370 — » -
- c. Skuldabrief umboðsmanns Eggerts Gunnarssonar fyrir . . . . . 330 — 72 -
- d. Veðskuldabrief ritstjóra Skapta Jósefssonar fyrir . . . . . 208 — 12 -
- e. Veðskuldabrief Björns prentara Jónssonar fyrir . . . . . 1200 — » - með tveimur veðleifum.

Amtsráðið gaf formanni prentsmiðjunefndarinnar Eggert Gunnarssyni kvittun fyrir móttöknnni.

Fleiri mál komu eigi til umræðu á þessum fundi.

*Christjánsson. Arnljótr Ólafsson. Davíð Guðmundsson.*

136

Ár 1880, 26. dag maímán. var fundur amtráðsins í norður og austuramntinu settur af forseta ráðsins amtmanni Christjánssyni með amtsráðsmanni Einari Ásmundssyni og varaamtsráðsmanni Davíð Guðmundssyni.

Á fundinum voru tekin til meðferðar og umræðu þau mál, er hjer eru talin.

1. Forseti lagði fram brjef landshöfðingja, dagsett, 19. septbr. 1879, þar sem óskað er álits um ýms atriði í væntanlegri reglugjöf fyrir gagnfræðaskólann á Möðruvöllum. Amtsráðið ræddi þetta mál og kom fram með ýmsar tillögur þar að lútandi.
2. Á fundinum var tekið til umræðu brjef landshöfðingja 20. marz 1880, þar sem hann óskar álits ráðsins um brjef sýslumannsins í Húnavatnssýslu 3. s. m. þar sem sýslunefndin skýtur því undir úrskurð landshöfðingja, hvort 400 kr. veiting amtsráðsins til kvennaskólans á Laugalandi í Eyjafirði geti staðist eptir 54. gr. sveitarstjórnarlaganna, og fer þess á leit, að hún verði numin úr gildi. Amtsráðið gat eigi sjöð, að tjeð lagagrein sje neitt ámóti annari eins fjárveiting og þessari. Þau orð í greininni, sem sýslunefndin virðist byggja á: «Af þeim (jafnaðarsjóðunum) má ekki greiða nein útgjöld, án þess að heimild sje til þess í gildandi lögum eða ályktunum amtráðsins», banna alls ekki amtsráðunum að álykta um útgjöld af jafnaðarsjóðunum, þótt eigi sjeu þau beinlínis ákveðin með gildandi lögum, heldur banna þessi orð að eins amtmönnum að borga útgjöld úr jafnaðarsjóðnum, nema útgjöldin sjeu heimilud með lögum, eða að öðrum kosti með fjárveiting amtsráðsins. Álit sýslunefndarinnar virðist því vera byggt á hreinum og beinum misskilningi. Þess má jafnframt geta, að síðasta alþingi hefir skilið sveitarstjórnarlögin í þessari grein á allt annan veg en sýslunefndin, og öll amtsráð landsins hafa nú veitt meira eða minna af jafnaðarsjóðum sínum til kvennaskóla. Sundurliðun sýslunefndarinnar á kvennaskólunum í amtsskóla og sýsluskóla, á sjer að svo stöddu engan stað. Í kvennaskólanum á Laugalandi, er sýslunefndin vill álíta eyfirzkan sýsluskóla, hafa næstliðinn vetur verið lærimeyjar úr 7 af hinum 8 þójar- og sýslufjelögum amtsins, og þar á meðal bæði úr Skagafjarðarsýslu og úr sjálfri Húnavatnssýslu.
3. Á fundinum var þar næst rétt brjef landshöfðingja 16. apríl 1880 um beiðni hjeradslæknisins í 9. læknishjæraði um endurgjald fyrir nokkur læknisverkfæri, er hann hefir keypt. Amtsráðið var því mótfallið, að fje sje lagt úr jafnaðarsjóði til að kaupa lækningaverkfæri handa einu læknishjæraði, meðan engar almennar ákvarðanir eru til um það, að ákveðin verkfæri sjeu fengin og látin fylgja hverju lækniseimbætti.